

Punkteprogramm fir d'Adrenalin am Joer 2010

Am Kader vun 2 Klausurtagungen hu Fräiwëlleger vun der Adrenalin sech an deene leschten zwee Méint zesummegeesat, fir eng Lëscht auszeschaffen. Dës Topten-Lëscht stellt eng Prioritéitelëscht duer, wou mer eis während dem nächste Joer méi staark engagéieren.

1. **Edukatioun:** Mir fuederen eng gréisser Unerkennung vun auslännesche Diplomer am Kader vum Bologna Prozess.
2. **Edukatioun:** D'Handwierksberufer misste nees opgewert ginn, fir sou eng Verweisung vum Handwerk ze verhënneren.
3. **Edukatioun:** Mir si fir eng Aféierung vum Fach „Mediekompetenz“ an de Schoulen. D'Schüler musse léieren, wéi se sech Informatiounen beschafen a wéi se d'Seriösitéit vun den Informatiounen korrekt bewerte kënnen.
4. **Aarbechtspolitik:** D'Entwécklung vun der Arbechtsmaartpolitik ass onbedéngt am Aa ze behaalen. Dëst grad am Bezuch op d'Jugend.
5. **Logement:** Et misste Projeten ausgeschafft ginn, déi bezuelbare Wunnraum fir Jugendlecher schafft.
6. **Transport:** E Latenightbus-System misst National erweidert an punktuell ausgebaut ginn.
7. **Transport:** D'Participatioun um Fuertest am Formatiounszentrum zu Kolmer-Bierg misst méi belleg wa net esouguer gratis sinn. Fir vill Jugendlech ass dës obligatoresch Participatioun eng finanziell Belaaschtung, grad wann een d'Käschte vum Führerschäi bedenkt.
8. **Sprooch:** De Staat soll eis Mammesprooch fördern, andeems e Groussdeel vum Contenu vun den ëffentlechen Websites souwéi erofluedbart Material wéi Formularen a lëtzebuergerescher Sprooch ugebuede gëtt. De Site *guichet.lu* misst och opmannst an eiser Mammesprooch verfügbar sinn.
9. **Kultur:** Mir fuederen eng stäerker Ënnerstëtzung vu lëtzebuergeresche Konschtprojeten souwéi eng Fördéierung vun der jonker Muséks- a Konschtszen.
10. **Bénévolat:** Mir si fir eng gréisser Unerkennung vun de Leeschtungen am Bénévolat. Leit, déi sech dagdeeglech fir eis Sëcherheet a Gesondheet éierenamtlech asetzen, sollten dovunner och eppes hunn.